

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 117. sjednici, održanoj 15.11.2017. godine, d o n o s i

ZAKLJUČAK

I

Utvrđuje se Prijedlog Zakona o dopuni Zakona o izvršavanju Budžeta Zeničko-dobojskog kantona za 2017. godinu.

II

Prijedlog Zakona o dopuni Zakona o izvršavanju Budžeta Zeničko-dobojskog kantona za 2017. godinu, upućuje se u dalju skupštinsku proceduru po skraćenom postupku.

III

Zaključak stupa na snagu danom donošenja.

Broj: 02-_____/17.

Datum, 15.11.2017. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo finansija,

1x Stručna služba Skupštine,

1x a/a.

PRIJEDLOG

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na ____sjednici, održanoj dana _____, donosi

Z A K O N O DOPUNI ZAKONA O IZVRŠAVANJU BUDŽETA ZENIČKO-DOBOJSKOG KANTONA ZA 2017. GODINU

Član 1.

(Dopuna člana 36. Zakona)

U članu 36. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16 i 8/17), iza riječi:

“Kapitalni transferi u inostranstvu”, dodaju se riječi: “Kapitalni transferi drugim nivoima vlasti”.

Član 2.

(Stupanje na snagu)

Zakon stupa na snagu narednog dana od dana objavljivanja u “Službenim novinama Zeničko-dobojskog kantona.

Broj:
Datum,
Z e n i c a

PREDSJEDAVAJUĆI

Jasmin Duvnjak

O B R A Z L O Ž E N J E

I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) i g) Ustava Zeničko-dobojskog kantona.

II RAZLOZI ZA DONOŠENJE

Imajući u vidu da su za prvih deset mjeseci 2017. godine ostvareni veći prilivi javnih prihoda u Budžetu za 2017.godinu u odnosu na Plan, prije svega od prihoda od indirektnih poreza i poreza na dobit, a imajući u vidu budžetske zahtjeve budžetskih korisnika iz oblasti obrazovanja za rekonstrukcijom i izgradnjom školskih i sportskih objekata, odlučeno je da se uvede nova pozicija Budžeta “Kapitalni transferi drugim nivoima vlasti” u dijelu Budžeta Ministarstva za obrazovanje, nauku, kulturu i sport.

S tim u vezi, u članu 36. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16 i 8/17) - Sredstva Ministarstva za obrazovanje, nauku, kulturu i sport, dodaje se nova pozicija “Kapitalni transferi drugim nivoima vlasti”.

U skladu sa članom 140. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13), predlaže se upućivanje Zakona o izmjenama Zakona o izvršavanju Budžeta Zeničko-dobojskog kantona za 2017. godinu u skupštinsku proceduru po skraćenom postupku, u formi prijedloga, iz razloga što nije u pitanju složen i obiman zakon.

MINISTAR

Andrej Kajić